

3.6. UMUTWE WA VI: IBYEREKEYE FERI

Ingingo ya 74 :

1. Mu kubahiriza ibivugwa muri uyu mutwe :

- d) Ijambo **“Ibiziga by’umwihariko”** bivuga ibinyabiziga biteganye cyangwa bijya gusa n’ibiteganye, uhereye ku murongo ugabanya ikinyabiziga mo kabiri mu burebure, niyo ibyo biziga byaba bidafungiyeye ku mutambiko umwe, kubwo umutambiko ukurikiyeho ugafatwa nk’aho ari imitambiko ibiri.
- e) Ijambo **“Feri y’urugendo”** bivuga uburyo busanzwe bukoreshwa kugirango ikinyabiziga kigende buhoro cyangwa gihagarare.
- f) Ijambo **“Feri yo guhagarara umwanya munini ”** rivuga uburyo bukoreshwa kugirango ikinyabiziga kigume hamwe mu gihe umuyobozi atakirimo, yaba ari romoruki ,ngo igume hamwe mu gihe itagifatanye n’ikinyabiziga;
- g) Ijambo **“Feri yo gutabara”** rivuga uburyo bukoreshwa kugira ngo ikinyabiziga kigende buhoro kandi gihagarare , igihe feri idakora neza
- h) Ijambo **“Romoruki ”** rikoreshwa gusa kuri za romoruki zigenewe gukururwa n’imodoka.

2. Ikinyabiziga cyose cyangwa ibinyabiziga bikururana bigomba kugira uburyo bwo gufunga feri butunganye kugirango hagenzurwe imigendekere y’ikinyabiziga, kugihagarika kuburyo bwihuse kandi bwizerwa no kubuza kwikaraga kw’ikiziga n’ukw’ibiziga bifunze , uko imodoka yaba yikoreye kose cyangwa igeze ahacuramye cyangwa ahaterera .

3. Feri y’imodoka

- a) Buri modoka igomba kugira uburyo bwo gufunga feri bushobora gukoreshwa n’umuyobozi ku buryo bworoshye kandi butuma imiyoborere y’imodoka idahungabana kamdi bugizwe na:

1° Feri y’urugendo

Ituma imodoka igenda buhoro kandi igahagarara kuburyo bwizewe bubangutse kandi nyabwo ,n’uko imodoka yaba yikoreye kose,yaba. Igeze ahacuramye cyangwa ahaterera;

2° Feri yo guhagarara umwanya munini

Ituma imodoka iguma aho iri uko yaba yikoreye kose ku muzamuko cg ku gacuri bya 16%, imyanya ya feri igomba gufata igakomeza kwegera kuburyo bw’ibyuma niyo umuyobozi yaba atarimo.

3° Feri yo gutabara

Ni feri ituma imodoka igenda buhoro kandi igahagarara, uko yaba yikoreye kose ,ku burebure bugereranyije n’ubwo feri y’urugendo yaba idakora neza.

- b) Uburyo bwo gufunga feri bushobora kugira ibice buhuriyeho mu gihe byibura bibiri mu biyikoresha bitandukanye.
- c) **Feri y’urugendo:** Ni feri igomba gufunga ibiziga byose by’imodoka, nyamara ku modoka zifite imitambiko irenga ibiri, ibiziga by’umutambiko umwe bishobora kudafungwa.
- d) *Feri y’urugendo na feri yo guhagarara umwanya munini* bigomba gufunga byibura umupira umwe wa buri ruhande rwo hirya no hino y’umurongo ugabanya imodoka mo kabiri mu burebure bwayo.
- e) *Feri y’urugendo na feri yo guhagarara umwanya munini* zigomba gufunga imyanya yose ifashe ku biziga ku buryo buhoraho hakoreshejwe ibyuma bikomeye bihagije.
- f) *Nta mwanya n’umwe feri ifungiraho ushobora kurekurana n’ibiziga keretse :*